



COMUNA DE DURGALI

PROVÌNTZIA DE NÙGORO

DELIBERATZIONE DE SU CUSSÌGIU COMUNALE

N. 50 DE SU 14-11-2023

OGETU: Relazione andamentu istajone turìstica colada e programatzione pro Pasca de Nadale

S'annu duasmigiabintitres, sa die batòrdighi de su mese de santandria, a sas oras 17:40, in Durgali, in sa sala de semper de sos addòbios consiliares.

A sa Prima cunvoca Istraordinària de oe, partetzipada a sos Sennores Cussigeris a norma de lege, resurtant a s'apellu nominale:

Testone Angela	Presente	Mele Sonia	Presente
Bacchitta Marcella	Presente	Ruiu Gianmaria	Presente
Fancello Antonietta	Presente	Carotti Bernardino Luigi	Presente
Canu Martino Davide	Presente	Loi Silvia	Presente
Spanu Emanueluccia	Presente	Ruiu Francesco	Presente
Patteri Rosa	Presente	Boeddu Giovanni	Presente
Fancello Elena	Presente	Patteri Giovanni	Assente
Mura Marco	Presente	Cossu Maria Lucia	Assente
Sotgia Gabriele	Assente		

Totale presentes N° 14 Cussigeris subra de N° 17 assignados a su Comunu e subra de N° 17 Cussigeris in càrriga. Resurtadu legale su nùmeru de sos intervènnidos, assumet sa presidèntzia su Presidente de su Cussìgiu, Dut. Francesco Ruiu.

Assistit a sa setziada su sutascritu Segretàriu Comunale, Vincenzo Zanzarella
Sa setziada est Pùblica

SU CONSÌGIU

S'ass. Sonia Mele acrarit sos datos de s'istajone istiale 2023, pro mèdiu de una presentada power-point projetada in sa sala consiliare, de sa chi s'alligòngiat una còpia de imprenta.

Intervenit su Cussigeri Marco Mura declarende·si pagu cuntentu siat de sos resurtados logrados pro s'istajone istiale siat de sa presentada chi nd'est istada fata. Declarat chi sos datos sunt lados e elaborados dae privados e chi sos resurtados sunt istados logrados gràtzias a s'aficu de sos privados, no de s'Amministrazione, duncas no de s'Amministrazione; sa vida noturna in Cala Gonone est pagu avalorada dae chi b'est sòbrigu de serrare sos locales a su una de de note; non essint ideas de innovatzione pro animare Cala Gonone; sos interventos pro su turismu si sunt bidos limitados in custu, si sos datos de Durgali torrant cun sa mèdia regionale – comente at afirmadu s'Ass. Melas – cheret nàrrere chi s'Amministrazione at investidu pagu pro su rilàntziu turisticu; Durgali tenet pagas marinas e male gestidas; pro nàrrere, in Palmasera b'at àpidu una fogna aberta 5 meses; non si sunt bidas novidades pro sos eventos istiales; non sunt istados organizados eventos isportivos; mancat una programatzione de tipu fieristicu chi potzat dare visibilitade a Durgali: pro nàrrere, Durgali no est presente in sa Bit; non bastat sa publitzidade in sas retes sotziales.

Intervenit su Sindigu declarende chi su turismu est un'oportunidade istraordinària pro su territòriu ca sos logos sunt lughentes; pro su 2023 si sunt àpidas medas innovatziones, comente pro sa mobilitade, afortiende e cualifichende sas esperièntzias in antis e atuende una segunda linia de trasportu cun unu postaleddu; s'est torrada a pigare in manu sa regulamentatzione subra de s'impreu de sa costa, essende custa sa prima Amministrazione chi si nd'est incarrighende; sos operadores turisticos s'ant a dèvere cunformare cun sas règulas chi s'Amministrazione comunale atgiai postu in èssere e a sas règulas chi est istudiende cun una pluralidade de sugetos. S'est proponende sa crèschida de s'imposta de permanèntzia pro assuprire a sos

bisòngios finanziàrios de gestione de su turismu e de sos logos turisticos; pro cantu pertocat a sa vida noturna, bi sunt sos bisòngios de sas fascas de populatzione chi cheret s'animatzione in sasoras a tardu ma bi sunt fintzas sos bisòngios de cuddas fascas de edade de turistas chi disigiant pasu e tranquillidade. Su problema de sa regulamentatzione de s'abbolotu de a de note est cosa de totu sas localidades de vacantzia e in sas tzitades mannas de arte. Su fèstival jazz at tentu una bona calidade de proposta, mancarì sa minimada de su finanziamentu regionale; Durgali s'agatat in una positzione geografica chi no est fàtzile, pro sa chi non faghet a isettare su flussu turisticu mannu; sas propostas de innovatzione pro su turismu las sunt istudiende sos de sa majoria e at a èssere interessadu totu su cussìgiu comunale.

Letu, approvadu e sutascritu.

Su Presidente de su Cussìgiu
F.du Dut. Francesco Ruiiu

Su Segretàriu Comunale
F.du Vincenzo Zanzarella

ATESTAZIONES E PARRES

(a sos sentidos de s'art. 49 comma 1 de su D.LGS. 267 de su 18.08.2000)

TZERTIFICADU DE PUBLICATZIONE

S'ATESTAT chi sa presente deliberatzione, publicada in s'albu pretòriu informàticu de custa Comuna dae su 17-11-2023 a su 02-12-2023, est istada trasmitida in còpia a sos Cabosgrupu Consiliares (in s'art. 125, c.1, de su D.Lgs 18/08/2000, n° 267) e at a devènnere esecutiva su 27-11-2023:

Su Prepostu a sa Publicatzione
F.da Silvana Loi

Sa presente còpia est cunforma a s'originale.

Attività realizzata con il contributo della Regione Sardegna-LR 22/2018, art.10